

গণপ্রজাতন্ত্রী বাংলাদেশ সরকার
তথ্য অধিদফতর
বাংলাদেশ সচিবালয়
ঢাকা

সংবাদ গতিধারা

জাতীয় দৈনিকসমূহে প্রকাশিত সম্পাদকীয়'র সারসংক্ষেপ, গুরুত্বপূর্ণ নিবন্ধ ও ফিচারের সংক্ষিপ্তসার

সংখ্যা : ২৭/২০১৭-১৮
ঢাকা, সোমবার ৭ আগস্ট ২০১৭, ২৩ শ্রাবণ ১৪২৪

আজকের দৈনিক পত্রিকাগুলো নিম্নলিখিত বিষয় প্রাধান্য দিয়ে খবর ছেপেছে :

- ১। সংসদ নির্বাচনে ইইউ'র পর্যবেক্ষক পাঠানোর প্রস্তাবকে স্বাগত জানালেন প্রধানমন্ত্রী
- ২। জলবায়ু পরিবর্তনের বিরুদ্ধ প্রভাব মোকাবিলায় আরো সর্তর্ক হতে হবে : প্রধানমন্ত্রী
- ৩। ২০২০ সালের মধ্যে প্রজনন হার দুই-এ নামিয়ে আনতে হবে : স্বাস্থ্যমন্ত্রী
- ৪। মুক্তিযোদ্ধাদের সম্মানী ও উৎসব ভাতা দিদের আগেই : মুক্তিযুদ্ধবিষয়ক মন্ত্রী
- ৫। চাই পারমাণবিক বোমামুক্ত দক্ষিণ এশিয়া : তথ্যমন্ত্রী
- ৬। বঙ্গবন্ধু উপগ্রহ ১৬ ডিসেম্বর উৎক্ষেপণ : টেলিযোগাযোগ প্রতিমন্ত্রী
- ৭। বাংলাদেশ ট্যাপি গ্যাস লাইনে যুক্ত হতে চায় : জ্বালানি প্রতিমন্ত্রী
- ৮। ঢাকা মেট্রোরেল প্রকল্পের রেল কোচ সংগ্রহে চুক্তি স্বাক্ষর
- ৯। পরিবেশ ও বন মন্ত্রণালয়ের নাম পরিবর্তন
- ১০। চট্টগ্রাম ওয়াসার উন্নয়নে বিশ্বব্যাংকের বাড়তি ৪ কোটি ৭৫ লাখ ডলার ঋণ
- ১১। আমানতকারীর মৃত্যুর পর টাকা পাবে নমিনিই : বাংলাদেশ ব্যাংকের প্রজ্ঞাপন

১। সংসদ নির্বাচনে ইইউ'র পর্যবেক্ষক পাঠানোর প্রস্তাবকে স্বাগত জানালেন প্রধানমন্ত্রী

প্রধানমন্ত্রী শেখ হাসিনা ইউরোপীয় ইউনিয়নের (ইইউ) আগামী নির্বাচনে পর্যবেক্ষক পাঠানোর প্রস্তাবকে স্বাগত জানিয়ে তাদের উদ্যোগে ২০০৮ সালের নির্বাচনের আগে ছবিসহ ভোটার তালিকা প্রণয়নের উদ্যোগের প্রশংসা করেছেন। গতকাল ৬ আগস্ট রোববার বিদায়ী ইইউ রাষ্ট্রদুত পিয়েরে মাঝেদুন প্রধানমন্ত্রী শেখ হাসিনার সঙ্গে তাঁর কার্যালয়ে সৌজন্য সাক্ষাৎ করেন। এ সময় রাষ্ট্রদুত বাংলাদেশে শান্তিপূর্ণ রাজনৈতিক অবস্থার প্রশংসা করে বলেন, আগামী নির্বাচনে ইউরোপীয় ইউনিয়ন নির্বাচন পর্যবেক্ষক দল প্রেরণ করবে। আগামী সাধারণ নির্বাচনে পর্যবেক্ষক পাঠাতে ইইউ'র আগ্রহের প্রশংসা করেন প্রধানমন্ত্রী শেখ হাসিনা। সূত্র-ইত্তেফাক (শেষ পৃ.,ক.৮), সংবাদ (শেষ পৃ.,ক.১), ডেইলি সান (পৃ.৩,ক.৬), ইভিপেনডেট (পৃ.২,ক.২)।

২। জলবায়ু পরিবর্তনের বিরুপ প্রভাব মোকাবিলায় আরো সতর্ক হতে হবে : প্রধানমন্ত্রী

প্রধানমন্ত্রী শেখ হাসিনা বলেছেন, কোনো ধরনের দূষণ না করেও বাংলাদেশ জলবায়ু পরিবর্তনের ক্ষতিকর প্রভাবের শিকার হচ্ছে। তাই জলবায়ু পরিবর্তনের ক্ষতিকর প্রভাব মোকাবিলায় কারো মুখাপেক্ষী হয়ে থাকা নয়, বরং নিজেদেরই আরো সতর্ক হতে হবে। এক্ষেত্রে দেশের উপকূলীয় অঞ্চলসহ সারাদেশে সবুজ বেষ্টনী গড়ে তোলার তাগিদ দেন তিনি। গতকাল ৬ আগস্ট রোববার প্রধানমন্ত্রীর কার্যালয়ে জাতীয় পরিবেশ কমিটির চতুর্থ বৈঠকে প্রধানমন্ত্রী এসব কথা বলেন। সূত্র-ইত্তেফাক (পৃ.৩,ক.৫), জনকর্ত (পৃ.১,ক.২), নিউজ টুডে (পৃ.১,ক.১), ডেইলি সান (পৃ.১,ক.২)।

৩। ২০২০ সালের মধ্যে প্রজনন হার দুই-এ নামিয়ে আনতে হবে : স্বাস্থ্যমন্ত্রী

আগামী ২০২০ সালের মধ্যে সার্বিক প্রজনন হার দুই-এ নামানোর লক্ষ্যমাত্রা অর্জনের জন্য পরিবার পরিকল্পনা অধিদফতরের মাঠ পর্যায়ের কর্মকর্তা-কর্মচারীদের কাজে আরও গতিশীল হওয়ার নির্দেশ দিয়েছেন স্বাস্থ্যমন্ত্রী মোহাম্মদ নাসিম। গতকাল ৬ আগস্ট রোববার সচিবালয়ে মন্ত্রণালয়ের সভাকক্ষে পরিবার-পরিকল্পনা অধিদফতরের উদ্বৃত্তন কর্মকর্তাদের সাথে এক মতবিনিময় সভায় সভাপতিত্বকালে তিনি এ নির্দেশ দেন। সূত্র-সংবাদ (পৃ.৪,ক.৬), জনকর্ত (শেষ পৃ.,ক.৮), ইভিপেনডেট (পৃ.১৯,ক.৮)।

৪। মুক্তিযুদ্ধবিষয়ক মন্ত্রী ও উৎসব ভাতা স্টেডের আগেই : মুক্তিযুদ্ধবিষয়ক মন্ত্রী

মুক্তিযুদ্ধবিষয়ক মন্ত্রী আ ক ম মোজাম্মেল হক জানিয়েছেন, সেদুল আজহার আগেই প্রত্যেক মুক্তিযোদ্ধা সাড়ে ৫২ হাজার টাকা সম্মানী ও উৎসব ভাতা পাবেন। গত স্টেডের বকেয়া উৎসব ভাতা, তিন মাসের সম্মানী ভাতা, সেদুল আজহার উৎসব ভাতা বাবদ এই টাকা দেওয়া হবে। গতকাল ৬ আগস্ট রোববার মুক্তিযোদ্ধাদের একটি প্রতিনিধিদল মুক্তিযুদ্ধবিষয়ক মন্ত্রণালয়ে সাক্ষাৎ করতে গেলে মন্ত্রী তাদের এ তথ্য জানান। সূত্র-সমকাল (শেষ পৃ.,ক.২), জনকর্ত (পৃ.১,ক.১), নিউজ টুডে (পৃ.৩,ক.৫), ডেইলি সান (পৃ.২,ক.৬)।

৫। চাই পারমাণবিক বোমামুক্ত দক্ষিণ এশিয়া : তথ্যমন্ত্রী

পারমাণবিক বোমামুক্ত দক্ষিণ এশিয়ার দাবি জানিয়েছেন তথ্যমন্ত্রী হাসানুল হক ইন্দু। গতকাল ৬ আগস্ট রোববার রাজধানীতে বাংলাদেশ পরমাণুশক্তি কেন্দ্র মিলনায়তনে গতকাল ৬ আগস্ট রোববার হিরোশিমা দিবস উপলক্ষে আয়োজিত সেমিনারে এ দাবি তুলে ধরেন তিনি। তথ্যমন্ত্রী বলেন, এই মুহূর্তে পারমাণবিক, দারিদ্র্য ও জঙ্গিবাদ-তিনি বোমার ওপরে অবস্থান করছে দক্ষিণ এশিয়া। সংঘাত, ধৰ্ম ও দারিদ্র্যের কষাঘাত থেকে মুক্তি পেতে এই তিনের অবসানের কোনো বিকল্প নেই। ৭২ বছর আগে জাপানে হিরোশিমা ও নাগাসাকিতে যুক্তরাষ্ট্রের পারমাণবিক বোমা হামলায় প্রায় দুই লাখ মানুষের নিহত হবার ঘটনাকে গভীর বেদনার সঙ্গে স্মরণ করে এ সময় মন্ত্রী বলেন, শান্তির পথে অগ্রযাত্রায় আমাদের দক্ষিণ এশিয়াকে পারমাণবিক বোমামুক্ত করতেই হবে। সূত্র-ইনকিলাব (শেষ পৃ.,ক.১), এশিয়ান এজ (পৃ.১,ক.১)।

৬। বঙ্গবন্ধু উপগ্রহ ১৬ ডিসেম্বর উৎক্ষেপণ : টেলিযোগাযোগ প্রতিমন্ত্রী

বঙ্গবন্ধু স্যাটেলাইট-১ নির্মাণকাজ প্রায় শেষ। এখন চলছে গ্রাউন্ড স্টেশন নির্মাণ। গ্রাউন্ড স্টেশনের নির্মাণকাজও শতকরা ৮৮ ভাগ শেষ হয়েছে। সবকিছু ঠিক থাকলে এ বছরের ১৬ ডিসেম্বর মহাকাশে উৎক্ষেপণ করা হবে। এই স্যাটেলাইট চালু হলে টেলিভিশন চ্যানেল, ইন্টারনেট সেবাদানকারী প্রতিষ্ঠান, ভি-স্যাট ও বেতারসহ ৪০ ধরনের সেবা পাওয়া যাবে। এতে ব্রডকাস্টিং থেকে শুরু করে টেলিযোগাযোগ সব সেক্টরেই বৈপ্লাবিক পরিবর্তন ঘটবে। তখন আর বিদেশি স্যাটেলাইটের ওপর নির্ভরশীল হতে হবে না। অন্যদিকে স্যাটেলাইটের অব্যবহৃত তরঙ্গ ভাড়া দিয়ে বিপুল বৈদেশিক মুদ্রা আয় করাও সম্ভব হবে। গত ৫ আগস্ট শনিবার টাঙ্গাইলের দেলদুয়ার উপজেলার দেউলি ও আতিয়া ইউনিয়ন তথ্য কেন্দ্র পরিদর্শনকালে ডাক ও টেলিযোগাযোগ প্রতিমন্ত্রী তারানা হালিম এ কথা বলেন। সূত্র-জনকর্ত্ত (পৃ.১,ক.৫), ইত্তেফাক (পৃ.৪,ক.৮)।

৭। বাংলাদেশ ট্যাপি গ্যাস লাইনে যুক্ত হতে চায় : জ্বালানি প্রতিমন্ত্রী

বিদ্যুৎ, জ্বালানি ও খনিজ সম্পদ প্রতিমন্ত্রী নসরুল হামিদ বলেছেন, বাংলাদেশ ট্যাপি (তুর্কমেনিস্তান-আফগানিস্তান-পাকিস্তান-ইন্ডিয়া) গ্যাস সংগ্রালন লাইনে যুক্ত হতে চায়। ট্যাপির জন্য সুনির্দিষ্ট টাইমলাইন পেলে গ্যাস মাস্টার প্ল্যানে এটাকে সংযুক্ত করা হবে। গতকাল ৬ আগস্ট রোববার মন্ত্রণালয়ে বাংলাদেশের জ্বালানি ও বিদ্যুৎ খাতের সম্ভাবনা নিয়ে তুর্কমেনিস্তানের নন-রেসিডেন্ট রাষ্ট্রদূত পারাখাত দুর্দোরেভের সঙ্গে এক আলোচনায় প্রতিমন্ত্রী এ কথা বলেন। সূত্র-ভোরের কাগজ (পৃ.৫,ক.১), নিউজ টুডে (পৃ.১৫,ক.৭), ইভিপেনডেন্ট (পৃ.৯,ক.৬),

৮। ঢাকা মেট্রোরেল প্রকল্পের রেল কোচ সংগ্রহে চুক্তি স্বাক্ষর

ঢাকা মেট্রোরেল প্রকল্পের রেল কোচ এবং রেল ট্র্যাক সংগ্রহে সরবরাহকারী প্রতিষ্ঠানের সাথে চুক্তি স্বাক্ষরিত হয়েছে। চুক্তির আওতায় প্রায় চার হাজার দুইশত সাতান্ন কোটি টাকা ব্যয়ে রেল কোচ ও রেল ট্র্যাক ছাড়াও রোলিং স্টক, ট্রেন সিমুলেটর, ডিপোর যন্ত্রপাতি, খুচরা যন্ত্রাংশ এবং সংশ্লিষ্টদের দক্ষতা বৃদ্ধিতে প্রশিক্ষণ অন্তর্ভুক্ত রয়েছে। সড়ক পরিবহণ ও সেতুমন্ত্রী ওবায়দুল কাদেরের উপস্থিতিতে গতকাল ৬ আগস্ট রোববার রাজধানীর একটি হোটেলে নির্মাণ ঠিকাদারি প্রতিষ্ঠান জাপানের কাওয়াসাকি-মিতসুবিশি কনসোর্টিয়াম এবং মেট্রোরেল বাস্তবায়ন সংস্থা ঢাকা ম্যাস ট্রানজিট কোম্পানি লিমিটেড-ডিএমটিসিএল এর মধ্যে এ চুক্তি স্বাক্ষরিত হয়। সূত্র-ইনকিলাব (পৃ.২,ক.১), সংবাদ (পৃ.১,ক.৮), ইভিপেনডেন্ট (পৃ.৩,ক.৬), ডেইলি স্টার (পৃ.৪,ক.১)।

৯। পরিবেশ ও বন মন্ত্রণালয়ের নাম পরিবর্তন

সরকার ‘পরিবেশ ও বন’ মন্ত্রণালয়-এর নাম পরিবর্তন করে ‘পরিবেশ, বন ও জলবায়ু পরিবর্তন’ মন্ত্রণালয় করার সিদ্ধান্ত নিয়েছে। গতকাল ৬ আগস্ট রোববার প্রধানমন্ত্রী শেখ হাসিনার কার্যালয়ে তাঁর সভাপতিত্বে অনুষ্ঠিত জাতীয় পরিবেশ কমিটির (ন্যাশনাল কমিটি অন এনভায়রনমেন্ট) চতুর্থ সভায় এ সংক্রান্ত একটি প্রস্তাব অনুমোদন করা হয়। বৈঠকে জাতীয় পরিবেশ নীতি ২০১৭’র খসড়া এবং পরিবেশ, বন ও জলবায়ু পরিবর্তনের জন্য ‘জাতীয় বিনিয়োগ পরিকল্পনা (কান্ট্রি ইনভেস্টমেন্ট প্লান-সিআইপি)’ খসড়াও অনুমোদন পেয়েছে। সূত্র-সংবাদ (শেষ পৃ.ক.৪), ইত্তেফাক (পৃ.১,ক.৫), ফিনানশিয়াল এক্সপ্রেস (পৃ.১,ক.১), ডেইলি সান (পৃ.২,ক.৬)।

১০। চট্টগ্রাম ওয়াসার উন্নয়নে বিশ্বব্যাংকের বাড়তি ৪ কোটি ৭৫ লাখ ডলার ঋণ

চট্টগ্রাম পানি সরবরাহ উন্নয়ন ও স্যানিটেশন শীর্ষক প্রকল্পের জন্য অতিরিক্ত ৪ কোটি ৭৫ লাখ ডলারের ঋণ দিচ্ছে বিশ্বব্যাংক। গতকাল ৬ আগস্ট রোববার এ বিষয়ে বিশ্বব্যাংক ও অর্থনৈতিক সম্পর্ক বিভাগের (ইআরডি) মধ্যে একটি ঋণ চুক্তি স্বাক্ষরিত হয়। চুক্তিতে ইআরডির অতিরিক্ত সচিব মাহমুদা বেগম ও বিশ্বব্যাংকের ঢাকা কার্যালয়ের ভারপ্রাপ্ত কান্ট্রি ডিরেক্টর রাজশ্রী এস পালাকার স্বাক্ষর করেন। বাংলাদেশি মুদ্রায়

এর পরিমাণ প্রায় ৩৭৫ কোটি টাকা। সূত্র-ইতেফাক (পৃ.১৮,ক.৬), সংবাদ (পৃ.১৪,ক.৪), ইভিপেনডেন্ট (পৃ.৩,ক.১), ডেইলি সান (পৃ.২,ক.২)।

১১। আমানতকারীর মৃত্যুর পর টাকা পাবে নমিনি হি : বাংলাদেশ ব্যাংকের প্রজ্ঞাপণ

আবারও নমিনির পক্ষেই অবস্থান নিয়েছে বাংলাদেশ ব্যাংক (বিবি)। কেন্দ্রীয় ব্যাংকটি বলেছে, ব্যাংকে টাকা রেখে কোনো আমানতকারীর মৃত্যু হলে তার নমিনি ছাড়া অন্য কারও কাছে টাকা দেওয়া যাবে না। গতকাল ৬ আগস্ট রোববার কেন্দ্রীয় ব্যাংক এ সংক্রান্ত একটি প্রজ্ঞাপন জারি করেছে। বাংলাদেশ ব্যাংকের ওই প্রজ্ঞাপনে নমিনি ছাড়া অন্য কারও কাছে টাকা না দেওয়ার জন্য দেশে বাণিজ্যিক ব্যাংকগুলোকে নির্দেশনা দেওয়া হয়েছে। সূত্র-সংবাদ (শেষ পৃ.,ক.১), জনকর্ত্ত (পৃ.১৮,ক.৬)।

সম্পাদকীয়

- ক. ইতেফাক : আমাদের নগরবাসী শিশু-কিশোরদের বড় অংশই খেলাধুলার সুযোগ থেকে বঞ্চিত হওয়ার কথা উল্লেখ করে তাদের খেলাধুলার জন্য পর্যাপ্ত মাঠের ব্যবস্থা করার সুপারিশ।
- খ. যায়যায়দিন : খাদ্যপণ্যের অগ্রিমূল্য নিয়ন্ত্রণে আমদানি, মজুদ ও বাজার মনিটরিং ব্যবস্থা চালু রেখে পণ্যমূল্য স্থিতিশীল রাখতে কঠোর পদক্ষেপ নেওয়ার সুপারিশ।
- গ. জনকর্ত্ত, নিউজ টুডে : গৃহকর্মী নির্যাতনের হার বেড়ে চলায় উদ্বেগ প্রকাশ করে ২০১৬ সালে অনুমোদিত হওয়া গৃহকর্মী সুরক্ষা আইনের খসড়া আলোর মুখ না দেখায় আইনটির দ্রুত বাস্তবায়ন প্রত্যাশা।
- ঘ. ডেইলি সান : স্বাস্থ্য মন্ত্রণালয়ের স্পেশাল বিসিএসের মাধ্যমে ১০ হাজার ডাক্তার এবং ত্রুটীয় ও চতুর্থ শ্রেণির পদে ৪০ হাজার জনবল নিয়োগ দেওয়ার বিষয়ে সরকারি সিদ্ধান্তকে স্বাগত জানিয়ে হাসপাতাল ও কমিউনিটি হেলথ ক্লিনিকগুলোতে ডাক্তারদের উপস্থিতি নিশ্চিত করার সুপারিশ।
- ঙ. ইভিপেনডেন্ট : আধুনিক অন্তর্শস্ত্র, গোলাবারুদ ও যন্ত্রপাতির সমষ্টিয়ে স্বরাষ্ট্র মন্ত্রণালয়ের নতুন ‘এন্টি-টেরোরিজম ইউনিট’ গঠনের উদ্যোগকে স্বাগত জানিয়ে তা দেশের সন্তাস দমনে ব্যাপক অবদান রাখবে বলে প্রত্যাশা।
- চ. ডেইলি স্টার : ১৫ জন যাত্রী ধারণক্ষমতার ‘হিউম্যন হলার’ মিনিবাসে রূপান্তরিত করে দ্বিগুণের বেশি যাত্রী পরিবহনের খবরে উদ্বেগ প্রকাশ করে এ ধরনের অবৈধ বিপদজনক রূপান্তরের কাজ দ্রুত প্রতিহত করার সুপারিশ।
- ছ. নিউ এজ : জনশক্তি রঞ্জনিতে জড়িত রিঝুটিং এজেন্সিসমূহের কার্যকলাপ কঠোরভাবে মনিটরিং করার ওপর গুরুত্বারোপ করে সম্পাদকীয় প্রকাশ।

নিবন্ধ ও ফিচার

সংবাদ পত্রিকায় প্রকাশিত ‘মৌলিক সুবিধা পাওয়ার ক্ষেত্রে বস্তিবাসী শিশুরা পিছিয়ে’ শিরোনামের নিবন্ধে অভিমত প্রকাশ করা হয়েছে, সরকারি এবং বেসরকারি সুযোগ সুবিধা নিশ্চিত করতে পারলে বস্তিবাসী শিশুদের মধ্য থেকে শিক্ষিত সূনাগরিক বেরিয়ে আসবে এবং জাতীয় উন্নয়নের মূল স্রোতধারায় সম্পৃক্ত হয়ে তারা দেশের সার্বিক উন্নয়নে অবদান রাখতে পারবে।

#

ডালিয়া/ফাহিমা/সাইদা/রশীদ/তানিয়া/২০১৭/৯.০০ ঘন্টা

